



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

21 e Thomas zwölfbott.

urn:nbn:de:hbz:466:1-41449

December

Item in Mauritania/der H. Belchtiger Eugent/ vnd Nacharij/ welche den Aberinnigen Kayser Julianum frey vnder augen straffeten/vnd darumb auß Kayserlichem befehl in ein grüben/ so voll Schlangen vnd wilder Thier war/ gestossen seind/ vnd von dannen erlediget/ vil Menschen zu wahrem Glauben mit ihrem H. Leben vnd größten Wunderzaichen beköhreten.

Anno Dñi
1074.

Item zu Magara in Hispanien im Silenser Kloster/ des H. Abts Dominici/ mit grossen Wunderzaichen vnd heyligen Thaten/ reichlich gezieret.

e xij. Calend. Ianuarij.

Der XXI. Tag im Christmonat.

Gut ist der Geburtstag des hochheyligen fürtrefflichen Apostels Thome/ welcher an Christi vrsünd zweyfelt/ vnd hart daran glauben kundi/ bis das Christus ihn mit seiner persönlichen gegenwertigkeit/ zum wahren Glauben beköhret. Nach der Himmelfart Christi aber/ hat er den Parthern/ Medern/ Persern/ Brachmanern/ Hircanern vnd Bactern/ vnd letztlich den Indianern das Euangelium gepredigt/ vnd das gepredigte Wort/ mit Gottseligem Apostolischem wandel/ vnd herrlichen Wunderzaichen/ zu vilerley Menschen nutz vnd hail/ beuestiget. Er ist endtlich von dem Abgöttischen König zu Calamina gemartert vnd erstochen worden. S. Chrysostomus schreibet/ er hab auch die König oder Weysen/ die Christum in der jugent geehret vñ angebetet/ in ihrem Land besücht/ getaufft/ vnd zu rechten Arbeitern des Göttlichen Weingartens gemacht. Sein leib ist hernach in die Statt Edissa gefürt worden.

Item

Item zu Schalun in Franckreich des H. Bischoffs
 Menij/der ein Edler Römer geborn/vnd von dem heyligen
 Apostel Petro zum Bischoff geweyhet mit S. Dionysio/
 auch andern vilen inn Franckreich geschickt worden.
 Der erweckt auff dem weg den Subdiacon Maximianum
 mit S. Peters Saumlaid / thet sonst auch grosse
 Wunderzaichen/ob er schon in einer Hölin lebte.
 Ward folgends erster Bischoff zu Schalun / waider die
 Heerd des Herrn 80. Jar fleißig vnd trewlich/mit dem
 Wort vnd Exempel/vnnd vil Menschen wurden durch
 ihn zu Christo beköhet.

Item zu Trier des heyligen Seuerini / derselben
 Statt andern Bischoffs vnd Blichigers.

Item die gedächtnuß des H. Bischoffs Dionysij
 S. Thome Jüngers / auch S. Pelagie/ des Königs in
 India Tochter/welche der H. Apostel Thomas zu An-
 drionopolis auff ihrer Hochzeit benedicirte / beköhet vnnd
 lauffet/ bliben also baide in Jungfrawschafft. Nach
 dem ward Dionysius zum Bischoff gemacht / beköhet
 dieselb ganz Statt zum Christlichen Glauben/vnd ver-
 schid darnach im friden. Pelagia aber ward mit dem
 heyligen Weyhl geweicht/ da sie sich nach Dionysij tod
 weder verheyraten / noch den Abgöttern opffern wolt/
 ward sie umb Christi willen enthauptet.

f xj. Calend. Ianuarij.

Der XXII. Tag im Christmonat.

W Rom ist heut der Geburtstag der heyligen drey-
 ßsig Marterer / welche alle in der Dicoletianischen
 Verfolgung jr Christlich blüt umb des Euangelions
 willen vergossen/vn mit der Marter gekrönt worden.

Item